

承德府志卷二十

寺觀二

灤平縣

穹覽寺 在縣喀喇河屯

行宮東南里許南嚮康熙四十三年

聖祖駐蹕喀喇河屯隨侍人員恭建此寺以祝

萬壽門額曰

勅建穹覽寺門內左右爲鐘鼓樓中植碑一恭鐫

聖祖御製碑文內爲正殿前楹恭懸

承德府志

卷二十

寺觀

一

御書寺額殿內

題額曰清音貝葉又恭懸

高宗御書額曰性澄覺海東西爲配殿又內爲後殿額曰

天半香林東西有配殿寺基爲坡陀小阜門俯灤

河如練如帶隔岸諸山螺髻湧現有俯視層穹之

概云

欽定熱河志
互見 大清一統志

聖祖御製穹覽寺碑文

喀喇河屯者蒙古名色釋之卽烏城也乃古興州之所

轄因世久事殊前朝未及設官分職皇輿等書編察難

考朕避暑出塞因土肥水甘泉清峯秀故駐蹕於此未嘗不飲食倍加精神爽健所以鳩工此地建離宮數十間茅茨土階不彩不畫但取其容坐避暑之計也日理萬幾未嘗少輟與宮中無異萬幾偶暇卽窮經史性理諸書臨池揮翰膳後卽較射觀德以安不忘危之念此其大畧也因有離宮隨侍人員共祝萬壽而建寺不日卽成又求匾額以垂永久朕賜書云穹覽取沈約驤首覽層穹之意在行宮之巽位寺勢雖微蓮社梵音鈴鐸經聲巨細皆備內有三大士相仙衣飄颺瑞園涵影以

空寂爲本慈悲爲教汲引四生津梁三界清鐘夜聞遠近罔弗皈依月殿朗輝中外靡不瞻仰况右倚層巖左帶大河口外諸藩來往進貢皆由經過三庚無暑六月生風地脈宜穀氣清少病誠爲佳景前朝以戍邊不暇何得駐蹕今四海爲一八表同風自京北至萬里如同家人父子豈有他術哉以誠而已今臣下歸福於朕朕曰天下皆福朕之福也先憂後樂朕之職也所願者年豐歲稔烟塵永息余之念茲在茲之意足矣無以妄求佛有所知自有保護康熙四十三年歲次甲申秋八月

中秋日

聖祖御製穹覽寺偶成詩

塞北鐘聲久不聞梵宮列刹共氤氳
雨花柏樹同僧老

開世瞿曇永法雲

高宗御製穹覽寺詩

招提鈴鐸午風吹
罨畫山川入望奇
徙倚試思廿年事

苔封碑字紀康熙

琳霄觀 在縣喀喇河屯

行宮東南三里許康熙四十九年建觀南嚮門外樹

承德府志

卷二十

寺觀

三

坊二前曰興州勝境後曰紫塞春臺門額曰琳霄

觀門內左右爲鐘鼓樓內爲靈官殿又內爲聖母

殿額曰資生保赤東西爲配殿又內爲火神殿額

曰德炳南離皆

聖祖御書門左植碑一工部侍郎兼翰林院掌院學士揆

敘奉

勅撰誠親王允祉奉

勅書觀與穹覽寺相望淨界梵天鐘魚互答瑞靄吉雲眞

去天尺五矣

定熱河志 欽

星龕巖寺 在縣西北五十三里康熙年間

勅建就巖鑄三石佛梵相奇古大殿奉

聖祖御書星龕巖額

靜妙寺 在縣治西藍旗營康熙年間建有

聖祖御賜靜妙寺額

峭壁寺 在縣治東南樺榆溝康熙年間建

聖祖御書殿額曰天半香林亭額曰森萬象

已上 欽定熱河志

互見 大清一統志

石佛寺 在縣治南二十里寺建於山之隈四圍峯

承德府志

卷二十

寺觀

四

巒層疊盤道而上梵唄鐘聲時出林表洵為靈山

勝境

福壽寺 在縣治西六十里之雲臺山乾隆二十三

年僧法雨建

已上初纂 國朝劉統勳雲臺山福壽寺碑記金勾屯去古北口約百里

許層巒聳秀帶水縈波遠隔塵囂疑非人境由金勾屯紆迴而東僅四五里有所謂東溝者林壑尤勝明季猶屬塞外雖奇士高人屐齒亦不能及此迨我朝以來窮荒遐陬悉隸版圖而居人始多焉一旦法雨上人自都門擁錫來遊喜其地僻翦除荆榛結茅以處冬一衲夏一笠日惟進粗糲一盂是師以淡泊自甘人亦遂以重師也異日者因向衆而謀曰此地山環水抱幽人所宮吾將終老於斯矣雖然頻年來此方之風調雨順樂業安居者何莫非神之力量欲創一寺俾朝夕懺禮為一

方祈福而吾之願始愜衆聞之莫不踴躍捐貲以共勸斯舉於是鳩工庀材建天仙大殿於山之巔又有巡山廟五聖祠下復立觀音堂及藥王庵其香積戲樓無不畢具告竣之日士女雜沓而至者見其金姿寶相棟宇輝煌亦莫不嘖嘖歎羨而不置寺成乏名衆咸向師而請師曰嘻是豈余之力哉衆檀越之功德居多余不過祈求佛力俾此方之人長享福壽於無窮耳即以福壽命名亦無不可由是寺之名遂定師俗姓劉名文奎大興縣六里屯民自幼卽爲闍宦入內廷充膳房上饌內侍後歷諸艱而塵心頓息遂披剃於京城吉祥寺禮普光爲師復以不耐喧囂始來棲茲土噫師側身富貴之叢能超出迷津而覺悟者斯以視夫煩惱奔馳永填苦海者奚啻霄壤也衆恐歷久湮沒無傳因勒石以記云大清乾隆歲次丁丑立石經筵日講官起居注太子太傅刑部尚書兼翰林院掌院學士劉統勳撰右春坊詹事府贊善翰林院檢討路斯道書

承德府志

卷二十

寺觀

五

斗姥宮 在縣治南十餘里廟有古柏一株黛色參天輪囷礪礪云百數十年物也

白塔院 在縣境今廢存有元至元二年白塔院碑相傳農人掘地而得之者碑石堅白如玉字蹟不甚殘闕而碑文淺陋不足觀

已上初纂

豐寧縣

雲光洞廟 在中關西北三十里石洞溝康熙六十年建

聖祖御書額曰雲寶珠光遂以名洞洞中供三世佛旁室

奉紫微斗極及釋利大士有碑一內閣學士兼禮

部侍郎蔣廷錫撰文翰林院侍讀學士陳邦彥書

欽定熱河志 案蔣廷錫

所撰碑已詳載山川雲光洞下

安禪寺 在中關北三十七里什巴爾台康熙四十

二年建有

聖祖賜安禪寺額

初纂

寶蓋寺 在土城子東五里半山上創建無考寺內

有石洞一鑄石像十七尊嘉慶四年同知寶德重

修

初纂

承德府志

卷二十

寺觀

六

金雲寺 在土城子南二十里乾隆元年建

觀音寺 一在土城子南二十里一在土城子東北

一百二十里

已上

欽定熱河志

清泉寺 一名淨泉觀在土城子西南康熙年間建

因寺有清泉故名

初纂

千佛寺 一在土城子北八里一在大閣兒東北四

十三里

興隆寺 在土城子東北九十里五峯山

釋迦佛廟 在五峯山

已上
欽定熱河志

白塔寺 在郭家屯南六十里寺有浮屠高十丈餘

旁刻蒙古字年久漫漶不可辨

初纂

靈通寺 在大閣兒東南五十里龍泉山過寺里許

有龍潭三遶寺前石澗東南流入潮河

定熱河志 欽

山門有靈通寺額雍正三年世子宏昇書大殿三

楹內供龍母又有甌塔一

初纂

洪湯寺 在大閣兒西南六十里湯山山有溫泉康

熙二十二年僧明林建寺瓷浴池於泉側

普濟寺 在大閣兒西

承德府志

卷二十

寺觀

七

月珠寺 在大閣兒北六十里喇嘛山寺有石佛鐫

鏤絕工

已上 欽定熱河志

玉皇廟 一在土城子東北一百里少府營一在土

城子東一百二十之黃姑屯俱康熙年間建

呂仙廟 在黃姑屯東興隆山

三清觀 在黃姑屯北三里創建無考

天仙廟 在郭家屯鳳凰山

已上 初纂

平泉州

靜安寺 在大寧故城南十家兒村遼咸雍間蘭陵

郡蕭夫人建碑字漫漶不可讀寺址尚存

欽定熱

河志 今寺在大寧城南里許有古寺基址周圍數十

畝碑尚存額書大遼義州大橫帳蘭陵郡夫人蕭

氏創建靜安寺碑銘

初纂 遼耶律興公靜安寺碑銘五都錯峙帝宅尊乎中

土則大定之分甲天下焉三教並化皇國崇乎至道則梵刹之制布域中焉苟或就風雨交會之邦關龍象樓遊之境法興地設締構獲其善報供事植示寂之餘招提奉像之設締構獲其善報供事植其勝因則歷世建寺之文道之常矣今畧而不書但敘茲地權輿之事今太祖天皇帝總百年之正統開萬世之寶公族衍盛枝葉芬茂故南大諱璟即帝之房孫也故左金吾衛上將軍諱寧即公之長子也故檢校太師左千牛衛上將軍知涿州軍州事諱昌允即金吾之子也協輔王室許

承德府志

卷二十

寺觀

八

國之勲即著並啟土宇烈壤之錫斯在天邑之北僅餘百里則公之故地焉嵐凝翠疊日佛山足民屋聚居若郡邑之大日義州今蘭陵郡夫人蕭氏主之即太師公之妻也太師毓慶戚閑諱心佛乘車暇日以有思憑高而肆望延岡委迤環甲第以遠周孤嶺崔嵬枕閑田而廓遂卜此地肇開勝藍雖經始之謀有先而考終之期奄速夫人抱未亡之永恨緝已墜之遺功發大勇猛之勝心資不思議之神力由是斷險為坦堙卑就寬長木下而翠色移貞礎出而雲光破風斤疊運遠谷回音雷杵高相寒泉交響金者治甌斤者陶壁者圻材者斲彩者繪隅者塗衆工銜勤百事偕作起於清寧八年庚子歲成於咸雍八年壬子歲辰次一周元功告畢中其殿則曼荼羅洎過未七佛明傳高僧之像在焉雙其樓則修拓路藏洎聖賢諸樂疏鈔記之部在焉遠侔東土則震隅設繪者逝至於十方寶相五佛粹容皆極其端嚴曲盡于

劫羣靈護祐趣花藏于他生又何止延九族之修
齡薦三代之冥福而已哉興公才非半古識不照
隣自服爲吏之勞頗滯攻文之思茲承勤請未易
固辭撫實寶坊旣盡一時之勝槩英珉篆願垂
千古之休聲銘曰神邑浩壤六街棊布雖敞釋宮
不無重圻峯幽寂萬載閑雖開禪寶是勞躋
攀帝輦餘川岐易造能關勝場乃得中道都會
百里嵐光數程山參而岡橫如平夫人上
茲佛地結構瑰琦規模壯麗正殿巋立危樓對森
烟梵凝碧朱薨疊陰寶像中存攸見月伴高
佛雲孰土開祐
睿君含識庇我華宗資乎幽冥

觀音寺 在州治南五里

廣禪寺 在州治南二十里

會勝庵 在州治南三十里雅圖溝

承德府志

卷二十

寺觀

十

法興寺 在州治北九十里龍潭溝

朝陽寺 在州北九十餘里大那聶溝北鳳凰山舊

有寺址康熙年間邑人重修

宗暢寺 在州北五里蒙古名沙金泥巴達拉固魯

克齊索木內奉三皇旁列羅漢殿後爲

御膳房

高宗曾駐蹕於此

御書能仁廣敬額

玉泉寺 在州北百三十里柳溪溝北未詳創建碑

碣俱斷泐不可辨雍正二年重修寺有泉如玉故名

法輪寺 在州北二百里

全喜法輪寺 在州北三百里甘昭蘇木精藍數百楹寺內恭懸

聖祖御賜山音寺額

成喜寺 在州東北七十里

達魯萬祥寺 在州東北一百十里

法善寺 在州東北一百八十里大寧故城內

承德府志

卷二十

寺觀

十一

卧佛寺 在州東北四百里

三清廟 在州治南八里

老君廟 在州治東五十里

泰山行宮 在州治北里許又瑤璿山亦有泰山行宮

玉皇廟 在州治北二十里

卧龍岡廟 在州治北三十里

大廟 在州治東北三十里

石頭廟 在州治北二百四十里廟模閎敞土人稱

爲石頭老爺廟

樓子廟 在州東北一百八十里蒙古名諾門巴雅

薩固朗蒲曼達拉

紅廟 在州治西南二里 已上初纂

州境古剎

資聖院 金劉子初靈峯院千佛洞碑稱靈峯院遭

兵火後於皇統辛酉歲請中京資聖院僧遵說嗣

興之遼中京大定府至金爲北京皇統時尚未改

故碑文仍稱中京也院當與大寧故城相近今遺

承德府志

卷二十

寺觀

十二

址無考

欽定熱河志

會禪寺 金趙秉文有重九登會禪寺冷翠軒詩云

明朝卻望登眺處城中惟見白雲封 金趙秉文全詩詳古蹟冷

翠軒 知此當在大寧故城外今遺址無考 欽定熱

河志

興聖寺 在大定府東南隅致用坊金明昌六年建

頭陀禪院 卽永安禪院在大定府致用坊萬頭陀

所建翰林院學士李磐撰碑

圓宗寺 在大定府東北隅豐實坊遼統和二年建

感聖寺 在大定府豐實坊有佛舍利塔遼統和四

年建

咸聖寺 在大定府豐實坊有甌塔金皇統二年建

崇寶寺 在大定府豐實坊金皇統二年建

太子寺 在大定府豐實坊金貞元二年建

楞嚴寺 在大定府豐實坊金大定二年建

大覺禪寺 在大定府豐實坊金大定二年建翰林

院學士鄭子冉撰碑

護國寺 在大定府豐實坊金泰和元年建

承德府志

卷二十

寺觀

十三

報聖寺 在大定府西南隅貨遷坊遼統和八年建

淨安寺 在大定府西南隅利通坊金皇統八年建

傳教寺 在大定府西北隅勸善坊金皇統七年建

白蓮寺 在大定府南關金明昌六年建

鎮國寺 在大定府西關有鐵塔遼統和三年建

已上

元一統志 宋蘇頌遊中京鎮國寺詩塔廟奚山
麓乘輶偶共登青松如拱揖棟宇欲騫騰夷禮多
依佛居人亦貴僧縱觀
無 限 意 紀 述 恨 無 能

翠微寺 在大寧縣西

岡極寺 在大寧縣西

靈感寺 在大寧縣西二里 已上元一統志 金趙秉文詩塗

河岸北白蓮東法鼓驚飛石碣鴻知寺在土河之

北又金承安五年精嚴禪寺圓蓋和尚墓銘為北

京靈感禪寺沙門崇顯立石則此寺在金承安前

欽定熱河志 金趙秉文題靈感寺詩塗

河岸北白蓮東法鼓驚飛石碣鴻塔上風烟高鳥

路山頭雲氣化人宮松林礙日蜂房冷石砌頽

沙螻穴空欲盡休公揮塵樂鬢絲羞對落花風

三學寺 在大寧縣北十五里七金山遼咸雍元年

建有碑後罹兵火碑字剝落難辨 元一統志 金趙秉文

詩劄簷篆額蠹蝸涎象教塵埃閱百年知寺在金

承德府志

卷二十

寺觀

十四

時已毀明一統志烏梁海七金山下亦載此寺名

欽定熱河志 案遼史載道宗清寧十年

九月幸七金山三學寺興宗紀稱重熙十一年十

二月以宣獻皇后忌辰上與皇太后素服飯僧於

延壽憫忠三學三寺厲鶚遼史拾遺謂寺在南京

城南但七金山不可考又援聖宗城七金山建大

定府號中京文曰七金山在中京豈另有三學寺

耶是未知三學寺之在七金山也誤以延壽憫忠

三學相連而反指為南京城南誤元耶律楚材

湛然居士集三學寺改名圓明仍請予為功德主

因作疏曰粵三學之巨剎冠四海之名藍今改僧

而舍尼遂從禪而革律邀印公為粥飯頭請湛然

為功德主 金趙秉文七金山寺詩劄簷篆額蠹

蝸涎象教塵埃閱百年殿棟猶題遼日月圖經不

載禹山川荒碑盤屈蜿蜒古壞壁參差罔象拳想

見當時崇奉日無邊花雨散諸天 元張翥蛻菴

集遊城南三學寺詩城南多佛刹結構自遼金旁

舍遺民在殘碑好事尋雨苔塵壁暗風葉石幢深
一飯蒲團了蕭蕭鐘磬音又案此與後狼山之

三學
寺別

昊天寺 在大寧縣西一百里香臺山遼乾統七年

建金太和六年杜元撰碑

已上元一統志案遼金之大定府即元大寧

路今平泉州東北大寧故城凡大定府大寧縣諸寺廟當在平泉東北境應入平泉州寺觀下

華嚴寺 在富庶縣

東林寺 在惠州東南隅

開祐寺 在惠州西南隅

興福寺 在惠州西南隅

承德府志

卷二十

寺觀

十五

黃崖寺 在惠州南一百三十里

已上元一統志案元富庶縣在大

寧縣南境富庶縣之寺廟當在喀喇沁東南境即今平泉州地元惠州在大寧南今為平泉接建昌縣南境凡惠州城內西境南境之寺廟當屬今平泉州地

玉清觀 在大定府東南隅致用坊遼統和二年建

華陽宮 在大定府豐實坊遼統和二年建

三皇廟 在大定府西南隅貨遷坊

五嶽觀 在大定府西南隅利通坊

崔府君廟 在大定府世恩坊甲申歲建

東嶽廟 在大定府世恩坊丁酉歲建

白鶴宮 在大定府世恩坊庚子歲建

三靈侯廟 在大定府南關乙酉歲建

義勇武安王廟 在大定府西關壬子歲建

玉清觀 在金源縣西北隅 已上元一統志 案此與大定府之玉清觀別

又案元金源縣在大寧縣金源縣之寺廟當在平泉州屬喀喇沁東境內

大清觀 在惠州西北隅

神山廟 在惠州西南十五里 已上元一統志

赤峯縣

慶都寺 在縣治西北一百四十里之公主陵康熙

承德府志

卷二十

寺觀

十六

壬辰年

勅建 初纂

靈峯院 在縣屬翁牛特右翼南三十餘里之遮蓋

山山有千佛洞今名大碾子洞有金皇統三年靈

峯院千佛洞碑奉議大夫驍騎尉劉子初撰中京

大定府長興縣鄉貢進士杜彥臣書前列都綱沙

門曉和匡主沙門惠學千佛化主沙門遵說等名

後列衆僧名及都提點趙孝慈邑政趙瓌舉事趙

璫邑判陳彥副判趙倫以下八人副提點劉忠信

邑長孫公彥監造邑錄梁國寧以下十人名姓碑
稱縣東南有山曰遮蓋背山嚮溪有道場焉遼乾
統三年有天台法師鑿山構殿殿後環洞名靈峯
院後遭兵火至皇統辛酉歲僧遵說成千佛石像
碑在今大碾子洞外又有明萬曆四十五年重修
碑在洞內其文襲皇統碑荒陋無足採元一統志
曰松州東南二十里遮蓋山有古寺即指此

欽

定熱
河志

縣境諸古刹

承德府志

卷二十

寺觀

十七

感聖寺

在高州癸卯歲僧性聰建

元一統志案
此與大定府之

感聖
寺別

福田寺

在松州南關有古佛大像

廣濟寺

在松州南關外有塔二座

望京山寺

在松州東八十里望京山有古石佛像

香臺山寺

在松州南八十里香臺山有石井

五峯山寺

在松州西南九十里五峯山有古寺

巳上

元一統志案元高州在大寧北境元松州在大
寧西北境凡高州諸寺廟當在八溝喀喇沁北接
翁牛特境松州諸寺廟亦當在八溝
西北接翁牛特境今屬赤峯縣地

紫微宮 在高州辛酉歲道士李清風建

東華宮 在高州甲寅歲王崇貞建

元都觀 在高州丁巳歲建

建昌縣

萬祥寺 在縣治東南三十里之大鹿溝

高宗駐蹕其地

賜額曰萬祥寺

彙善寺 在縣東南三十五里之金黃山

勅賜彙善寺額寺規模閎敞棲居黃教僧寮有二百餘區

承德府志

卷二十

寺觀

十八

爲境內諸蘭若之冠

已上
初纂

林泉禪寺 在縣東南一百八十里之月華山有元

僧無際撰碑額曰大寧路惠州東錦川鄉月華山

林泉禪寺剏建地產四至碑字完好碑稱僧祥盤

剏立林泉寺正殿三楹壁繪毘盧聖像右觀音寶

宮左威光堂歲至乙巳百廢具舉則寺落成於元

成宗大德九年也元一統志月華寺在惠州東一

百九十里卽指此後寺廢雍正十一年卽碑側舊

址重建此山有石竇東西相通故俗呼窟窿山廟

欽定熱河志 案元僧
無際撰碑已詳山川月華山下

承禧寺 在縣西九十里北宮康熙五十年

聖祖駐蹕其地發帑建立

賜承禧寺額

朝陽寺 在塔子溝西南四十里

宏慈寺 在縣北四百二十里敖漢界內康熙四十

六年敖漢郡王扎木蘇建

聖祖賜宏慈寺額

已上
欽定熱河志

地藏菴 在縣北五里乾隆十八年巡檢孫際澄建

承德府志

卷二十

寺觀

十九

山下有義阡一區

初纂

清安寺 在縣東北七十里大城子康熙二年建

降魔寺 在縣西北二十五里小城子之東三里寺

北有洞一中供佛像土人呼曰喇嘛洞

天成觀 在大城子東康熙六年建

已上
欽定熱河志

縣境諸古刹

白鹿山祠 建德郡石城縣有白鹿山祠

魏書地
形志

白

鹿山在今塔子溝廳屬喀喇沁左翼東境今祠址

無考

精嚴禪寺 在塔子溝東北城子土人掘地得金

碑一為利州精嚴禪寺第一代蓋公和尚墓銘承

直郎北京路轉運度支判官趙秉文撰并書承安

五年八月望北京靈感禪寺住持傳法嗣祖沙門

小師崇顯立石文稱僧圓蓋於大定六年始開堂

於精嚴禪寺為第一代知精嚴寺為金世宗時建

元一統志精嚴禪寺在利州西關金大定間建與

此合今廢

欽定熱河志 金趙秉文利州精嚴寺第一代蓋公和尚行狀銘臨濟

自佛果沿而下之至於佛日自四明派而上之至於佛鑑俱出於五祖演而佛鑑傳南華曷曷傳四

承德府志

卷二十

寺觀

二十

明達達為今北京松林北遷第一祖師四明之孫
微公之子也張其姓諱圓蓋永昌阜俗人十九棄
俗而槽甘棄律而禪參玉泉名清安寶公以機緣
不契退而嘆曰大丈夫肩荷佛祖未生前大事直
須全身放下始得真諦遂退居靈巖佛髻山結茅
棲隱者數載山空無人以水流雲飛為受用久之
梅子將熟詣北京謁微公一日舉龍心正不妄動
而不參而參無得而得一曰舉龍心正不妄動
話師以頌舉似有鐵樹開花之語公曰可矣汝其
行乎大定六年始開堂於精嚴繼席松林靈感明
昌六年五月預告終期跏趺而逝茶毘之日瑞彰
舍利戒定力也俗壽六十有四僧臘三十師行峻
而方故學者遵其道而憚其律所居不過一二載
尋反舊隱晚得瓊詞銘曰黃龍一句諸方膽喪極
盡元微全無伎倆伶俐衲僧剔足眉稜鐵樹開花
炎天造冰三上洞山九到投子一言相契草鞋掛
起臨濟法將松林道場轉身就父撒手還鄉沒眼
禪和覓不見魚戽夜塘鹿趁陽焰松漠之北利

川之東無縫塔樣八面玲瓏一時推倒河清海晏
花落春鷄月明秋雁承直郎北京路轉運度支判
官趙秉文撰承安五年八月望北京靈感
禪寺住持傳法嗣祖沙門小師崇顯立碑

圓明寺 在塔子溝喀喇沁左翼西七十里元時建

有碑今惟存舊址

興聖寺 元大德中千戶王姓爲林泉寺僧祥盤建

於郭家寨見元僧無際月華山林泉禪寺碑今遺

址無考

聖水院 元大德中總管劉姓爲林泉寺僧祥盤建

於仇家莊亦見林泉禪寺碑今遺址無考

已上
欽

承德府志

卷二十

寺觀

二十一

定熱河志 案林泉禪寺地產碑所載尙有馬家
寨寺興勝寺及馬峪之文殊院皆林泉禪寺之下
院今遺址
俱無考

興教寺 在和衆縣

浴室寺

在和衆縣

已上元一統志 案元和衆縣
爲建昌縣西北之小城子凡和

衆縣諸寺廟當在塔子溝喀喇
沁左翼西北境今屬建昌縣地

淨修寺 在龍山縣東南隅

聖峯寺 在龍山縣東南隅

崇教院 在龍山縣東南隅

極樂寺 在龍山縣西南十三里遼時建內有劉鑾

塑像

龍泉寺 在龍山縣南一百三十里富山

熊山寺 在龍山縣南六十里熊山上有熊山寺

石柱山寺 在龍山縣南八十里石柱山中遼僧白

羊大師建寺於此 已上元一統志案元龍山縣為今塔子溝廳南之喀喇城凡

龍山縣諸寺廟當在塔子溝喀喇沁左翼西境內今屬建昌縣地

祥靈寺 在利州西關

洪廣寺 在利州東九十里

昌國寺 在利州東一百六十里

承德府志

卷二十 寺觀

二十二

雲峯寺 在利州東南一百二十里金山之嶺中有

瀑布

慶雲寺 在利州北九十里 已上元一統志案元利州為今塔子溝東北

之大城子凡利州諸寺廟當在塔子溝廳屬喀喇沁左翼北境內今屬建昌縣地

古城寺 在惠州東南一百八十里

龍門寺 在惠州東南一百七十里 已上元一統志案元惠州東

南境為今塔子溝南境地凡惠州東南之寺廟當在塔子溝喀喇沁左翼南境今建昌接朝陽縣地

十方講院 在惠和縣東北隅遼壽隆二年建

觀音閣 在惠和縣市中心

崇法寺 在惠和縣

已上元一統志案元惠和縣為今塔子溝北敖漢地凡惠和

縣諸寺廟當在敖漢境今屬建昌接朝陽縣地

玉京觀 在縣東北六十里長壽山有元至元二十

四年玉京觀地產弭訟碑記尚存白霄李察撰

碑文

詳山川長壽山下

白霄張洪禮書丹住持李守淨明光大

師王志端張志定同立石元一統志玉京觀在利

州西十里此地在大城子西元時正為利州西境

觀距長壽山四百步許今惟存舊址 案玉京觀

地產碑所載尚有龍清觀及瑞雲菴亦當與大城

承德府志

卷二十

寺觀

二十三

子相近今遺址俱無考

已上欽定熱河志

雲谿觀 在縣東南瑞雲山有洞曰天一大洞有元

至正七年碑額曰大元遼陽等處大寧路瑞州海

濱鄉周家莊雲谿觀碑

碑文已載山川瑞雲山下

前大都大長

春宮提舉冲和葆素明一大師大寧路道門提點

張道中撰純素安然大師松陽白道容書并篆額

碑稱黃冠李元久於庚戌來遊斯洞鑿石興功庚

辰勅建三清寶殿雲房齋厨煥然一新則觀實落

成於元順帝至元六年今碑在山洞側觀已廢

欽定
熱河志

重陽觀 在和衆縣

大清觀 在和衆縣

隆祥觀 在龍山縣東南隅

棲貞觀 在利州東孫家莊

龍山廟 在利州南二里

護國西齊王廟 在利州西關

石將軍廟 在利州西南二十里祈禱多應

昭惠靈顯眞君廟 在利州西北二里已上元一統志

承德府志

卷二十

寺觀

二十四

朝陽縣

佑順寺 在三座塔康熙三十七年

勅建四十六年落成

聖祖賜佑順寺額并檀香佛像前天王殿西關帝殿左右

鐘鼓樓中爲大殿東西配殿左右爲藏經閣石碑

三康熙五十四年辦理土默特貝子旗事務戶部

主事諾岷撰文

欽定熱河志 國朝諾岷 佑順寺碑記康熙癸巳秋余銜命

外來茲土默特旗越明年春適屆 萬壽 慶辰因思往歲備官郎署追隨大僚得以拜賀祝

迴望燕雲千有餘里何由得一招提名境仰禮大 聖算於無疆抒臣心之感戴今奉職至斯

年建

聖祖賜佑安寺額寺內有碑

定熱河志 欽

常安寺 在縣東四十里

初纂

朝陽寺 在縣東八十里康熙九年建又東木頭城

子東北八里有朝陽寺康熙年建有塔在山頂蒙

古稱納林塔又塔子溝西南四十里亦有朝陽寺

彌陀菴 在縣東北一百六十里康熙十六年建

興隆寺 在三座塔大板上康熙四十一年建

已上

欽定
熱河志

承德府志

卷二十

寺觀

二十六

愍聖寺 在大板上南一里康熙元年建

初纂

盛水寺 在縣東南雲蒙山下康熙年建山下有泉

卧佛寺 在縣西五十里之昂吉山山周三十餘里

寺基當其巔廣袤可六七十丈遼應歷七年石幢

記尚存今寺為蒙古改建寺有石佛高八尺圍四

尺

天慶寺 在卧佛寺下四里許遼時建康熙十七年

修寺有石胎觀音立像高七尺圍五尺有奇遼壽

昌五年沙門智闕等唱和詩石刻尚存碑高五尺

跌半没土中字跡微泐篆額橫鐫玉石觀音像唱

和詩碑九字詩以次列分四截書前署銜名有崇

祿大夫檢校太師行鴻臚卿闕辨大師賜紫沙門

智闕兵部尚書兼門下侍郎平章事鄭若愚左僕

射兼中書侍郎平章事韓資讓兵部尚書興中尹

趙廷睦諸行宮都部署尚書左僕射梁闕特進禮

部尚書叅知政事趙長敬觀書殿學士行尚書禮

部侍郎知制誥馬闕俊中大夫昭文館直學士知

御史中丞開國侯劉瓌度支使金紫崇祿大夫行

承德府志

卷二十

寺觀

二十七

尚書禮部郎史仲愛乾文閣待制史館修撰曲正

夫朝請大夫充秘書監開國伯賜紫金魚袋王執

中南面統制闕一闕字闕員外郎闕二闕光前樞密院吏部

承旨行殿中少監王仲闕朝議大夫知制誥開國

子孟初朝散大夫司農少卿知大定少尹賜紫金

魚袋張識司農少卿知度支副使楊滌瑕守殿中

少監知析津縣事李師範闕四闕字闕侍御闕二闕賜紫金

魚袋李闕提點宏法寺守將作監張闕內藏庫都

點朝散大夫尚書虞部郎中借紫冠闕殿中丞直

史館張嶠左丞制閣門祗候韓汝礪宗祿大夫檢

校司徒

闕三字

正大師賜紫沙門善

闕

共二十二人

碑右側鐫講經法姪性

闕

及

闕

門資講僧性覺二

人和詩真書分上下層詩不甚工書頗古勁有法

報恩寺

在天慶寺東北大塔下康熙五十一年重

建

華雲寺

在天慶寺東北雍正十年建有塔

三學寺

在縣北狼山舊爲祥巒院金大定五年重

修有興中府尹改建三學寺碑里人韓長嗣撰文

承德府志

卷二十

寺觀

二十八

并書將仕郎興中府都孔目官白霽王祁篆額後

刻都維那銀青榮祿大夫興中尹上柱國廣陵郡

開國公食邑二千戶實封二百戶高思廉妻廣陵

郡夫人高氏二夫人高氏長男雲堂次男三學奴

遼金舊制以經律論爲三學擇僧行清高者爲綱

首舉諸郡內經律論學優者爲三法師凡取經律

論師差官考試於各宗出題答義中選者取三人

命爲三宗法師蓋最重之三學之名取諸此韓長

嗣碑中稱遼建三學寺於府西兵興以來殿堂廊

庶俱無寺廢久矣大尹出遊狼山其上有院曰祥

巒廢為荆榛基址頗有制度迺改修為三學寺是

遼於興中府西建三學寺金始改建於狼山也元

一統志興中州狼山上有三學寺即指此

已上
欽

定熱河志案此與大寧縣北七金山之三學寺
別金韓長嗣改建三學寺碑夫物不常興有時
而廢物不常廢有時而興凡興廢之際繫善人
善人之為也如不善人有為之時當興猶廢如
人有為之時雖廢猶興茲迺必然之理也三學
都提點崇業大師三學見經淨慧大德吏案孔
官孫公同來造予門而言曰大尹銀青改建三
寺糾千人邑供給道糧請予銘之其可許乎予
物興繫人信不誣矣然愧菲才忝居治下豈敢
諾三公遂詳言于予曰三學者其來遠矣爰目

承德府志

卷二十

寺觀

二十九

唐肇啟之也迨及有遼建三學寺於府西擇一境
僧行清高者為綱首舉連郡經律論學優者為三
法師遞開教門指引學者如故法大定五年
地而無聖朝既獲遼土設三學如法大定五年
我大尹銀青來治興中其三學法師過廳大尹問
之曰不意此方有設三學寺在何處三師對曰寺
廢久矣三師名位具設權於私院敷演大尹喟然
歎曰不亦傷乎方今京府巨鎮暮布天下設三學
者有數此幸得之何不復修對曰修寺者大事也
若不遇大夫緣力烏能及此大尹曰吾將揆之自
歷數任未嘗不於佛廟有興衰補弊者也而況三
學其事非細朝廷視之尚為重矣凡取經律論之
師者差官考試本府聚五州義學各宗出題答義
中選者取三人爰命為三宗法師下四方學者曰
與講肄不惟圖增聖歷綿長抑亦使佛法傳遠而
不見廢絕者其在茲乎苟非設此縱有清涼宣律
師慈恩之才孰將焉以至於後來之人雖有清涼
宣律師慈恩之志孰將焉以至於後來之人雖有清涼

訟之餘出遊狼山中柳城形勝之地改修為三
其基址頗有制度又迺柳相謂曰大夫緣力遇之
學寺信甚便矣就大尹曰爾亦可矣曰然遂施錢
今日定見成構木宏揚經論曰誠謂善哉三宗
及已夫匠築土行之正路耳三師曰誠謂善哉三宗
所垂之教言修行之不可闕一大方佛華嚴經即
律論者如鼎有足不可闕一始成正覺頓說是經
無盡修多羅之總名也世尊始成正覺頓說是經
剖裂元微昭廓心境窮理徹果該因汪洋顯
融廣大悉備者其惟茲乎開真體於萬化之域顯
德相於重元之門津流衆典此為洪源星列餘經
此為杲日高不可仰深不可窺雖積行菩薩上德
聲聞莫能探微索隱焉可謂常恒之妙說通方之
洪規稱性之極談一乘之要軌也四分律者所以
防邪檢失禁亂止魔取超世之道非戒不洪斯迺
三乘之津要萬善之窟宅也慮羣生愚惑安寢
冥室悠游長夜不能自覺雖有出家庶幾元微者
徒懷遠趣迷於發足是以如來開戒德之妙門指

承德府志

卷二十

寺觀

三十

淫槃之坦路宜各勗勵明慎執持令大法久住焉
誠唯識論者暢大乘之妙趣也遣疑破執修行證
果括衆經之秘包羣聖之旨何滯不融無幽不燭
仰之不極俯之八藏幽關每擁元路未通信巨夜之
括五明搜揚之金鏡矣此經律論者戒定慧之法
銀輝實昏旦之鏡矣此經律論者戒定慧之法
耳戒以資定不以究慧相須而成凡諸衆生得證
無上菩提皆不離戒定慧之成也
青愈加修造之意遂感士庶竭力助緣滿寺殿舍
不日告成大尹曰成則成矣虞吾不改任三師學人
有闕日用其將奈何當紘千人邑不問僧尼道流
男女老幼每歲十月一日人各納錢二百米一斗
永給道糧不亦宜乎合羣官民爭爲敬從延及隣
境之人願來預邑取父作子述之義盡天長地久
之期邑無累月幾就千人其邑人姓名具書碑陰
若迺吐辭爲經立行爲法見之者瞻仰聞之者皈
依苟非有出世之道其孰能與于此以財好施於
衰好興倡之則從順造之則成就苟非有服人之

德其孰能與於此釋迦如來天竺人也去中國隔
數萬程一日其教來傳不拘賢愚竟為奉行誠謂
有出世之道也哉大尹銀青遼陽人也去興中不
遠千里來尹斯府一日治政之餘修三學寺紉千
人邑不拘內外咸樂助辦信謂有服人之德也哉
其為銘曰凡厥萬事有興有衰興諸衰者非賢其
誰府有三學自遼而置經律論宗倡灑之地兵興
以來殿宇無存三師仍設私院敷演大尹銀青下
車臨治三師過廳首問其寺將趨進具告其前
位則設矣寺廢久焉大尹聞之發歎者屢京府巨
鎮設此有數此幸得之胡不復修答曰大事復之
何由必在所遇大大緣力緣若不遇修之烏得大
尹出言吾將揆之師喜相謂遇在此時吾嘗佛廟
興衰補弊况此三學其事匪細朝廷尚重考試無
私學優中選授命為師可增聖歷綿綿長久又令
佛法燈燈傳後後人受之修行無疑吾可借此不
忍見隳一日之間聽訟之暇號令從人出遊于野
北登狼山有院祥巒沒為荆棘殿缺僧殘彷徨勿

承德府志

卷二十

寺觀

三十一

去載瞻載顧壞址遺基亦有制度茲乃柳城形勝
之方修為三學既利且昌爰施俸錢及已匠梓經
營堂構不日成矣大尹復言成則成諸吾將改任
定闕學儲欲紜千人道糧永給僧俗老幼同為是
邑非此一郡延及其隣歡欣而至願預邑人宜此
勝事常如今日傳之子孫善繼善述大定七年歲
在丁亥夏
六月立

天仙廟 在縣東鳳凰山聞仙洞下三里康熙年建

欽定熱河志 案鳳凰山即古龍山在縣
屬土默特右翼東南二十里聞仙洞在其山半已
詳山川鳳
凰山下

靈佑宮 在縣南一百二十里元羊山雍正十二年

建植碑二一為奉天府義州管土默特兩旗通判

蔣國璋撰文一為古閩何奕舒撰

初纂

縣境諸古刹

龍翔寺 有黑龍白龍各一見於龍山慕容皝親率

羣僚觀之立龍翔佛寺

十六國春秋前燕錄水經注作龍翔寺

龍山

在今土默特右翼東南二十里當屬朝陽縣地今

寺址無考

初纂

靈感寺 在三座塔城內土人耕地得遼碑一為靈

感寺釋迦佛舍利塔銘遼天慶六年丙申新授尚

書都官員外郎遼西路錢帛判官張嗣初字

闕二字

承德府志

卷二十

寺觀

三十二

撰文和龍僧悟照字育物書丹碑稱寺為太平九年僧守奇道隣所建作塔十三級以貯舍利大安中僧通教重修碑中凡光字皆不全書蓋避遼太宗諱也又土人嘗掘地丈餘見地宮一所周遭嵌列碑文中有釋迦定光二佛的身舍利塔記遼天慶二年講經律論師慧材撰蓋遼時藏佛舍利於

此今廢

欽定熱河志遼張嗣初靈感寺舍利塔碑銘夫塔古無有也本出浮屠氏

自佛教東被始有之是謂佛廟蓋聞不遷者性也恒動者情也緣情而能有者生也生不可常必至於滅滅不可已復轉於生子此流轉中能解生死之縛而得不生不滅者唯釋迦而已故超然特立

於羣聖之上可謂天人師者也然大耄既至終顯
有爲故金身示滅當此之際六種震動如須彌傾
摧使諸天無所依也嗚呼去聖鎮遠靈蹟不滅故
所有舍利爲八國以寶塔分葬之其數凡八萬四
千爾後歷載彌久憤廢者甚衆人心特恐亡墜益
復興起之或發諸寶函或擊以玉粒或葺其舊制
或不爲勞然竭以資財亦不爲費至若累寶簷絡
珠網接雲漢而起嘗不爲高并閭夷井竈有郭
郭之半亦不爲廣其人心勤厚有如此者皇朝定
天下以武守天下以文太平既久而人心向善故
此教所以盛宏凡民間建立佛寺靡弗如意今此
塔自太平九年柳植善根次日道隣素宏願力自童
人長日守奇夙植善根次日道隣素宏願力自童
子時有聚沙之戲後果志於出家既受具已大通
宗乘先隱於龍岫之一蘭若後爲城中人請居此
土一日鉢中忽出異光不散者久之既而乃得舍
利二粒玉彩晶燦不可正視人爭傳戴之由此乃

承德府志

卷二十

寺觀

三十三

舍衣鉢特興塔像復求化官長暨貴戚并豪族之
家各助以金帛車服或諸珍玩計獲數百萬錢共
爲成辦之于是火其博廣若山積募其工翕如雲
巢房凡一十三級通百有餘尺珠函之靈瑞在乎
其中觀夫有金撐以銳其上廣陞以豐其下豈
徒然哉我所貴踴出三界而爲解脫之場也有千
歲燈以然於內有百鍊鏡以懸於外亦豈徒然哉
我所貴遍照十方而破黑暗之獄也且如風鳴寶
鐸盡宣妙法音蟻踐崇塔亦成無上道故一塵所
沾一影所覆其利樂信不虛矣噫彼彼土木有穹窿
而崔巍者勿謂我小小有可觀彼彼金碧有燦爛
而陸離者勿謂我儉我儉能中禮余勿克備述徒
止於此焉復常有光數見或五色氣以覆之因上
聞之以精誠有感故靈應必通乃勅其寺曰靈感
寺大安中有先師弟子通教師賜紫沙門思整
重修以潤色之先師者蓋愚之祖母故河南太
君之伯父也塔初成日我先人嘗欲親志之而不

意早沒故弗克逮言今通教師素與我先人有甥
舅之愛每一見必以此事爲託師既誘我以先人之
志能弗繼之我復感師念先師之德可弗述之
此者蓋予爲其肯構也故不敢讓乃強爲記云其
頌曰旣生必滅唯性不遷不生不滅唯佛能然金
身雖往靈跡可傳舍利所至塔以典焉在昔所建
八萬四千益遠益敬至於無邊凡厥願力非小因
緣乃有梁氏獲此舍利千佛共與一日自鉢中
有光玉粒者二苟非精誠格茲靈瑞乃舍衣孟願
作佛事以清淨心置琉璃器藏此塔中以福萬世
後有門人以增以新長令淨白不生埃塵敘我以
舊託我以文乃強爲述嗣吾先君天慶六年歲次
丙申八月壬戌朔甲
戌十三日丙寅時建

大通法寺 在三座塔城內土人掘地得元碑一額

書大元國懿州路興中州大通法寺常住上下院

地產碑記鄉曲後進東巖樵隱安思道撰并書文
云詢厥創始罔克周知傳聞祖師琛公和尚棲息
於茲厥後生徒接續代不乏人則此創建當在元
以前其碑尾備列常住田畝寺院知元時最爲巨

刹今廢

欽定熱河志 元安思道大通法寺常住地產碑記佛寺之道肇興西竺繼

入中華綿亘往古其所由來者漸矣時或垂滅復
興稍微愈熾稽諸前史而有定論也余少時常陪
緇宿輩爲方外游日相親好一接清談胸臆灑然
終日忘倦尋閱經文粗知其畧大抵如來示教以
方便爲門利生爲本使學者嚮善背惡去彼取此
而已故其化人也易其入人也深夫如是歷年滋
久其法彌彰俾世之俗咸願皈依奉香火而結靜
緣崇祠宇而徼福利者多矣矧夫童髮捨身服膺

是教者尤難槩舉推原其理良有以焉眷此精藍
聿爲壯觀襟龍岫而帶狼河接松漠而雄柳郡詢
及創始罔克周知傳聞祖師琛公和尚棲息于茲
有年矣元風以之而振佛日以之而明自時厥後
生徒接續代不乏人嗣法僧曰添曰孝琛公之雲
仍也前後歷典寺事殿宇堂廊摧圯者力爲修葺
一旦添與孝竊相謂曰僧務井井有條惟本
派上下院常住地土多寡瘠隨宜播種歲計所
入粗供齋粥尙慮陵谷變遷迷惑空門永爲張本
後昆之良謀也曷若刻諸石昭示空門永爲張本
固不躋歟二僧謁余以記文見屬添俗姓胡氏本
郡人也與余有里閭之舊義不能辭謹摭其實而
述之謹案欽定志所載大通法寺地產
碑尾所列諸寺曰靈感寺曰西靈山寺曰北靈山
寺曰華嚴寺曰松巖寺曰歸山院曰增福寺曰玉
泉寺曰崇國寺曰西山寺曰重修寺曰深井寺曰
靈峯寺曰雲巖寺曰黃口寺曰洪福寺曰清修院
曰石門山寺曰龍泉寺曰寧國寺曰三教院曰華

承德府志

卷二十

寺觀

三十五

犁寺曰觀音堂曰段禪院曰何家講院皆大通法
寺之下院並當與興中府相近其中惟靈感寺今
存遼天慶時碑又元碑稱西靈山寺地產東至白
崖子南至井兒澗西至分水嶺北至柏山今柏山
在三座塔東南而西靈山寺已
不存其餘諸寺遺址亦俱無考

靈巖寺

在三座塔東南柏山上遼統和中僧可觀

始卜地結庵太平五年邑人趙延貞等施四面隙

地重熙初郡人雄武軍節度使王育與邑人尹節

高聳等重建二十二年僧潛奧悟開等購經一藏

二十四年增建九聖殿清寧四年賜名淨覺寺咸

雍六年賜名靈巖寺復有僧志福奏請鑄鐘增構

鐘樓壽昌初復建大殿今惟乾統八年戊子碑尚
存碑文爲朝請大夫守殿中少監知安德州軍州
事上騎都尉涑水縣開國子食邑五百戶賜紫金
魚袋耶律劭撰僧恒劭書并篆額碑陰有小篆末
題劭述劭書字畫適勁文云余兄文學之外尤工
小篆則恒劭殆亦耶律氏子入道者碑在今山上

廢安德州城基之側寺已廢

欽定熱河志
遼耶律劭興中府

安德州初建靈巖寺碑銘并序伏聞大雄示化肇
興五竺之邦像法定期實屬千年之會漸流通于
震旦迴超越于古初三乘遞行一雨溥潤我國家
右文敷治偃革濟時繇數路以取英翹振儒風於

當代闡二宗而尚禪定傳佛燈於有生廣樹仁祠
大宏慈蔭安德州靈巖寺者北連龍岫前俯郡城
溪壑幽深峯巒掩映天然勝槩斗絕於一方宛爾
道場廓開於十地初統和中山主僧可觀與其
同志幼爲縣吏各負逋租亡命此山共逃箠楚後
偕追捕同付獄中數日幽囚桎梏自解尋免徵錄
因遂出家卜築結菴專精戒律壽考遷逝靈應胎
嬰太平五年復有邑里趙延貞王承遂張瑩焦慶
等三十有三人狀施烽臺山四面隙地以廣布金
之淨域遠模靈鷲之風規增大給孤之園益茂耆
阇之樹年禩寢久徒衆漸隆重和初元有郡人雄
武軍節度使太原王公育與邑人尹節高聳等禮
請悟開上人住持經始營葺僧衆螿附工徒子來
殿宇疑爾以有年錢穀豐衍而不匱果畢能事全
付後人僧伽實繁悉萃六和之淨侶達摩無覩固
乏三藏之秘文重和二十二年有寺僧潛奧與悟
開上人鳩集淨財締結信士與邑人尹節李敬張
士禹高聳等購經一藏用廣流通二十四年建九

聖殿以龕置焉繪像燁煜而嶽峙內藏巖業而雲
矗經律論學揚法海之驚瀾上中懷根逗塵機於
來哲清寧四載特賜淨覺之名咸雍六年復錫靈
巖之號居然闕邃迥出塵表故得水雲上土龍像
名流覽境界之清虛駐瓶錫而棲止有閭山懺悔
守司徒通圓慈行大師志福遊憩於此以其闕鐘
杵之音失晨昏之警飛奏為請天旨下俞徵良治
于遠方貿精銅于異域鑪橐一鼓大器告成逸韻
疊擊而豐隆林薄四震於幽邃設簾為飾構樓以
懸壽昌初元歲次己亥復建大殿以敞法筵楹柱
撐空椽桷蔽日輪奐克成於大壯清淨特備於寶
坊羣峯嶺岼而繚若垣墻諸塔聳峻而勢同湧現
禪房自通於幽處講座屢雨其天花今天子卽位
之二年有守太師通圓輔國大師法頤者久藹人
天之譽蔚為帝王之師衆僧懇請遂居是寺人對
境以心真地因居而名著師因精選道行得長老
惠敬付以寺事提綜不倦勤瘁歷年建置悉覩於
周圓儲蓄益臻於羨積劬恭膺詔檢恪守郡符志

承德府志

卷二十

寺觀

三十七

慕佛乘誓求法印時因暇日屢叩禪關有清行大
德賜紫沙門奉檀寺主沙門行柔等語其權輿見
託紀述學慚博雅夢無白鳳之奇詞愧疎蕪語乏
黃絹之句牢讓不獲謹為銘詞銘曰佛承廣運慧
日映時法膺象季溥建仁祠世蒙誘導教被方維
福濟含識學法有為偉矣靈巖豁然林壑斗遠流
俗高視寥廓境淨心真解脫纏縛以致名流茲焉
棲泊鐘梵時警薰修有常覺林並茂禪院滋芳瀉
山圭峯聊可比方居者得趣世諦頓忘息乃塵紛
味茲幽閒清淨悉同過現無別直書初終讚揚洪
烈刻諸貞珉永告沙劫乾統八
年歲次戊子九月朔庚申日建

廳峪道院

在三座塔東北台頭溝有金皇統八年

宜州廳峪道院復建藏經千人邑碑記東海徐卓

撰字體完善碑稱道院為遼耶律賽音温家之墳

建以藏經金皇統六年火災忠顯校尉顏壽與郡

人馬祐等重建今山下石佛半損壞院基周一里

許惟存舊址

廳 欽定熱河志 金徐卓宜州

域天竺之迦維舍衛國淨飯王太子釋迦牟尼之
所說也太子當周莊王九年四月八日自母右脅
而生及長舍太子位出家苦身學道精進六年以
來覺悟一切種智故謂之佛在世垂化四十九
年至於天龍神鬼無不聽法後至拘尸那城娑羅
雙樹間二月十五日入滅度其弟子迦葉與阿難
等五百人等共追撰述綴為經教行之西土千百
餘年自漢已上中國未傳逮及明帝夜夢金人飛
行於殿庭以問朝臣而傳毅對曰此佛也帝遣中
郎蔡愔秦景奉使天竺求之得佛經四十二章及
釋迦立像并與沙門攝摩騰竺法蘭東還愔之來
也 以白馬負經因立白馬寺於洛城雍門西以處
之而後魏晉宋齊之間梁陳隋周之際聖賢繼至
經論曰滋寢興於姚秦羅什大備於李唐元奘由
是空門興教與儒道爭衡而下五代降及宋遼歷
夷險而其教彌光經隆替而斯道愈振凡所貯藏
有五千家之墳所也其名曰藏經廳峪者乃遼時耶
律祥袞家之墳所也其家世積善遂卜勝地以建
佛宮置以藏經其來也久雖貯於此未見宏揚先
是忠顯校尉顏壽因此地之是歷觀斯經之不宣
乃約土人其齋物用請名僧數十人長穿開讀至
於皇統六年十月七日無何為火災所焚其餘屋
舍掃地皆盡大凡事久則絕絕則有非其人安能
則滅滅則有時而興然則絕興滅非其人安能
為之哉郡人馬祐者乃逸士也遯世高蹈卜居相
隣自觀煨燼之餘基誓發繼興之大願遂與舊邑
人顏壽等親為倡率轉相糾合乃得千人立為一
社眾推馬祐為邑長以顏壽為提點募錢易經鳩
工構藏隨其卷帙貯以櫃匣其餘佛屋僧廊次第
建立庶幾法無凝滯人獲頂傳上以報皇國之恩

下以資吾邦之福且走一介求記於余余亦里人也既聞其善喜不知極以筆書之俾勒諸石皇統八年歲次戊辰七月十五日立石

大觀音閣 在興中州市心遼清寧四年建

崇福寺 在興中州西南隅遼乾統二年建

金巖寺 在興中州西八十里青巒山 已上元一統志案元興

中州為今三座塔地凡興中州諸寺廟當在土默特右翼境今屬朝陽縣地

華嚴寺 遼天授皇帝常獵和龍山建華嚴寺元安

思道大通法寺地產碑亦載和龍山華嚴寺之名

定熱河志 欽

承德府志

卷二十

寺觀

興隆寺 在建州西南隅 元一統志案元建州為今三座塔西南境凡建州

諸寺廟當在土默特右翼西南境今屬朝陽縣地

福巖寺 在武平縣市中心 元一統志案元武平縣為今三座塔東北境凡武

平縣諸寺廟當在奈曼境內今屬朝陽縣地

東嶽廟 在縣屬之黑城子北八里有元至正五年

川州東修東嶽廟碑記前儒學正徐潛撰醫學正

張質書丹碑稱東嶽祠歲遠殘毀泰定丙寅全真

劉德寧新之今惟存舊址 元徐潛川州東嶽廟記

祀禮之設尚矣惟五嶽號為海內之尊凡登諸秩祀者又非他山之儷也古者帝王二月東巡狩至

于岱宗柴秦漢以下封禪勒成紀諸信史者七十
二君所奠之土惟岱宗又五嶽之尊也苟無靈迹瑞
產以昭其異特撮土耳焉用披誠致款以褻其敬
哉季氏旅于泰山仲尼非之何則聖人治人事神
一於禮而不苟者如此後世建立行祠遍於寰宇
兩翼列置曹司善惡二部隨民所禱吉凶孚應得
非世變愈下所致然乎嗚呼後之視今亦猶今之
視古也又何異夫冉子之不能救哉白川嶽祠尊
於坤隅以其歲月悠遠殿宇廊屋不無殘毀以故
人莫克居神不顧享泰定丙寅全真道裔劉德寧
瓢笠而來于內掛搭俛焉興歎以爲一方靈跡廢
墜至此不惟居庶闕首愆之地繫彼羽流者亦無
棲息之所焉於是首捐衣鉢哀工計料移創武安
清源二王行化太尉合四位皆隅座附於正寢神
門虛廊各一新又東向寶位庖福爲間者五正殿
重葺煥然一新又東創元元殿以宅方士所費財
物初不出於常住無煩於士庶數稔以來厥績稍

承德府志

卷二十

寺觀

四十

著闔郡民庶高其素行爲之捨財相助以後爲耻
劉師道流也昔重陽祖師倡真風於東海演大教
於西秦其要皆以慈悲方便爲本濟人利物爲心
首尾一紀而廟庭元宇輪奐可觀蓋由人專其敬
然後神博其惠惠所能博是享其敬也敬所能專
則功易成也其功之成實勞實劬殊有非勞非劬
者存焉故能交神明於虛靖位天地於中和一方
年穀屢登物無疵厲者雖神之惠實師之所惠也
彼將原神奇於臭腐造元牝于天根凌太虛而馭
六氣扶飛仙而駕靈飈顧此眞積蘇耳又何屑屑
焉從事于斯而後可以爲至乎雖然元元所謂九
層之臺起于壘土千里之行始于足下而循序之
功必假途于彼而後可期于自得豈與夫離人外
物繆執頑空者同日而語哉至正歲次乙酉仲夏
中旬吉日立石

雲峯觀

元張道中雲谿觀碑稱黃冠李元久幼而

多疾父母捨入建州大王山雲峯觀禮曹大師爲

引度之師當在三座塔南境今遺址無考

欽定熱

河志 案元張道中雲谿觀碑
文已載建昌縣山川瑞雲山下

紫微宮 在建州東北隅

仁王閣 在武平縣市心

寶貞觀 在武平縣東南 已上元
一統志

案府屬六州縣圖冊灤平縣東南有龍母廟縣西
北有財神廟豐寧土城子北有七聖廟土城子東
有財神廟土城子北有九聖廟黃姑屯有藥王
廟土城子西北沙智營及波羅腦并郭家屯鳳凰
山上俱有娘娘廟郭家屯湯泉有真武廟平泉州
八溝河南有觀音廟八溝河南及龍鬚門各有藥

承德府志

卷二十

寺觀

四十一

王廟縣東市有財神廟縣之雙洞山及沙陀子俱
有九聖祠大吉口有真武廟二道河及縣西北二
十里大王山上俱有大王廟縣南湯頭溝有喇嘛
廟二八溝東北喀卜齊爾山及八溝西北一百四
十里各有喇嘛廟建昌縣二十里鋪有九聖廟南
市有財神廟大城子天成觀西南有觀音堂朝陽
縣西五佛洞有韋馱廟波羅台溝有喇嘛廟
大抵土人所建規模無足紀錄附載於此

承德府志卷二十